

DEDDF TRETH GWAREDIADAU TIRLENWI (CYMRU) 2017

EXPLANATORY NOTES

SYLWEBAETH AR YR ADRANNAU

Rhan 4 - Gwarediadau Trethadwy A Wneir Mewn Lleoedd Heblaw Safleoedd

Tirlenwi Awdurdodedig

Pennod 4 – Cosbau o dan y Ddeddf hon

Cosbau sy'n ymwneud â manau nad ydynt at ddibenion gwaredu

Adran 68 – Cosbau sy'n ymwneud â manau nad ydynt at ddibenion gwaredu

137. Mae'r adran hon yn darparu y bydd gweithredwr safle tirlenwi sy'n methu â chydymffurfio â thelerau hysbysiad sy'n dynodi man nad yw at ddibenion gwaredu (fel sy'n ofynnol gan adran 56) neu sy'n methu â chadw cofnodion mewn perthynas â deunydd a ddir yn y man a'u storio'n ddiogel (fel sy'n ofynnol gan adran 57) yn agored i gosb nad yw'n fwy na £3000.
138. Ni roddir cosb mewn cysylltiad â methu â chadw cofnodion neu fethu â storio cofnodion yn ddiogel os yw gweithredwr y safle tirlenwi yn darparu tystiolaeth arall sy'n profi er boddhad ACC unrhyw ffeithiau y mae'n rhesymol ofynnol iddynt gael eu profi.
139. Gwneir darpariaeth ar wahân yn adran 8(2)(g) ar gyfer achosion pan gedwir deunydd mewn man nad yw at ddibenion gwaredu am gyfnod hirach nag sy'n cael ei ganiatáu. Mewn achos o'r fath, tybir y bydd gwarediad trethadwy wedi ei wneud ac felly gall fod yn ofynnol i weithredwr y safle tirlenwi dalu treth ar y gwarediad, yn ogystal â bod yn agored i gosb o dan adran 68.